

FLOREAN DAL PALAZZ

— Al salte fur la Joibe —

(In fin ch' al varà flat)

Ogni doi numars 5 centesins l'un — bez subit

Si vendin là via da l'Edicole e là dai Tabachins in Marciavieri, in piazza Contarene e in Borg di S. Bartolomeo

REDAZION : su la fontane di piazze Contarene — AMINISTRAZION : su la fereade de Vigne

Par altri Florean al si lassara ciata, quand che covente, in Stamparie Jacob e Colmegne.

Tiradure 10,000 coplis.

Florean e Sagre di Cussignà.

In domenie, su la plui bieles ore che o vedi là a Cussignà, e vigni là ploe, e o dovei là a sotett sott il ciapiell dal cont Trent. O mandai inveci un miò fido, e al mi disè, fra une barbotade e che altre, che nol si è divertid parcè che al ciata poce int. O sfidi jo, cun che slavinade! No podèrin là lis ancelis, nè dugg i zerbinos, nè lis miezis veladis, nè la Maghe, nè Meni Muse, nè la pantianate.

Par altri, chei che forin se giolderin l'instess. Nissun inconvenient fò lamentat. Al regnà il bon umor, la ligrie, e la bieles ciere tra che zoventud che i dè drentri *fino a giorno*. Un ver ball di cort. A di une sole frutate i vigni imbast; ma, cul ciapiell, un matarane i butà de aghe sul pett e subit e tornà in sè.

Nissune disgrazie, nissune baruffe, nissun disordin.

Ingaluzzad di chest esit cussè tranquil, lunis di sere, intor lis sis e mieze, mi strissinai a pid fin in place Garibaldi; lì o montai in *giardiniera* e jù cun d'un tropp di amis a la gran sagre di Cussignà.

Mi sintai sul pujul, *vis-a-vis* dal mestri Cassoli — il vecio dai ociai — che i dè de merlo cul violin in maniere di sveami la fantasia, e mètimi squasi in gringule di fà une polke.

Ma i miei amis, babios, e diserin che la me dignitat giornalistiche no mi permeteve di ballà, che al jere afar pe zoventud, e proponèrin inveci un ghiringhell di ocasion.

Ditt e fatt, fur litros, fur polezz, salate, formadi, torte, freulis, e, in veretat de madone, dute robe ecelent. Vin, a un franc, bon: polezz ben cuezz e a bon presit; servizi spedit; netisie, regule e bieles maniere.

La bire, di Schreiner, une robe squiside: fres-ce, ciare, e spumand che a bevile si consolisi il cur e l'anime.

Brao sior Nane Disnan! mi congratuli propit, che al ha vude cusine e cantine inapuntabil.

Il biell Mondo in ciapiell panama e in guanz glacès al faseve di cerimonir.

La sartorele e balave; balave la contadine, la siorete, la borghesane: pivelis di prin pel, qualchi vedranute, vedovelis, maridadis, mamis, agnis, surs, cusinis, des nuv es quatri, e balavin come che a si sa ballà a Udin, cun dute la vivacitat dal plen carneval.

Zovenoss, artisc, contadins, agenz, impiegaz, oitadins, provincial e mangiavin, e beveyin, e balavin, come che dugg i pinsirs dal mond a ju vessin vuz sott i facs.

Viva dunce la sagre di Cussignà! e cuf che al ha di vè, ch' al spieti!

Filosofie di Florean.

Saveso parcè che ciarte int e volte e zire il mond come che ul? — Parcè che il mond al è tarond tanche une burele.

Dunce, dices voaltris, Domini Giò al doveve fabricàlu quadri? — Eoo, a prime viste, al pararèss di sì; ma s' o i pensais un pòc, e viodares che lui al è stat plui furbo di chell che crodiss. Cul diaul! sè a lu veas fabricat quadri, po' chei altris no saressino stas bogns di staronzalu, par mangià lis fetis?

Corispondenze di Florean.

S. Vit dal Tajament, al 1 di Luj.

« Mior tard che no mai » al dis un vecio proverb: dunce o ti prei, miò simpatich am, di fà un bon accett a chestis quatri riis.

O erod che cumò tu cognossaras ben e no mal chell sior Bepo Cope-d'-aur che cull, dai siei tire-pis, al veve la modeatie di fassi clamà *paron Bepi*, e par chest o lassi sta di contàti ce calcul che fasèvin dugg chenti de so sciènzie e de so supiarbie. Dute la so braure e gteve nome tal mandà a fà pignoramenz, tal parai sù spesis a chei puars diaui di contadins e tal fassi odea di dugg, cun chell so fà di princip. Jo no sai nome cemud ch' a nol sedi stat bon di fassi pajà dai contribuenz une qualche mandulute, parsore vie dal capo-sold e des spesis, par tigni su il pid un pòc di plui e cussì gratà par drett e par radros. O so persuadut che a Udin nol fassi tele e ch'aj

TITIRO REDIVIV



VIGI - GABRIEL, cumò che nol pò fà plui balà i citadins di l' al scugne contentassi di fà balà i fruzz dai Zardins d' infanzie

ciafi oui ch' ai insemi cemud ch' al va fatt. A mi contin ch' al vedi biell za vud plui di qualchi scene. Po' Dio ueli ch' ai servin di lizion!

San Vit, liberat di chell scousson, al è beat. Cumò, cun che buine anime di Springul, gnuv esator, si va une man di Dio; e dugg e benedissin l'ore e il moment che voaltris udines si ves ciotte che pitime sul stomi.

Quand che o podarai contati alc di biell, sta cujett, (in companie de to *tabachine*), che no manciarai di scriviti. Intant prece il Signor che no ti metin sù nissune tasse, se no *Cope-d'-aur* al ti sfulmine.

Stami ben e ciupe une bussade.

Croste.

Memento di Florean.

A Tunine.

E son dos setemanis che Florean al è passat par Puscuell, e al ha sintud che fasevin un gran davoì dai fruzz cun d'une femine. O sintivi che i disevin: « Lasagnone, impustore; tu a meti « gris tal cial a dugg, tu a meti là discordie tes « fameis; cumò ti cognossin ce lane che tu ses! « E parò neavistu? e parò no sestu stade a fa « il confront a dutis ches robis che tu ti jeris « inventade? Oh! se tu vignivis là, ce lavade di « cial che tu ciapavis, lengate! »

Par cumò ti basti; ten cont de to amie, che ti reste nome che, e viod, di cà indenant, di no flevè plui sul cont di chei che ti han giavade tantis voltis la fan.

Mandi, Tunine!

Florean

Da la zae di Florean.

O hai sintut a contà di un Tizio, ch' al orress sei passarli ma ch' al ha dal sfranzel, ch' al va vantansi di jessi bon di pià il lott a di ogni estrazion. O hai volut savè cemud che jè e, stant che l' amico al è sincer nome quand ch' al bivut plui di qualchi gotisin di sgagne, l' hai dat l' incarich a Bambi di tirai su i passarazz.

Saveso ce che Bambi mi ha riferit? Che il sfranzel al ha une companie di sturnei che metin sù al lott tanche disperaz. E rivin a zujà fin quatri e cinquecent francs par setemane; e il sfranzel, ch' a i fàs di fator, al puarte i bezzuss simpri in t' un Casell dula che, al dis lui, i dan il doi par cent di sensarie. E ches al saress l' ambutt che il miò sfranzel al ciaparess a di ogni estrazion. Isal pussibil?

A mi mi par gruesse; e no stenti a crodi che Bambi al vedi capit malamente. Cemud dal diambar podaressial un ricevitor di lott fa di

chesg contrazz? La Direzion di Vignesia, ce varressie di di, se vigniss a savèlu? Ce varressie di fa di chell ricevitor? Varressie di mandalu a... trai, o di falu fa cavalir? Jo no savaress, pardiane!

La providenzie dal nestri Municipi e jè qualchi ciosse di grand. Par che Udin nol vedi nuje di ce invidia a *Damietta*, a si lasse che, in te androne di Lenna, tre, quatri gatui e puartin tal miezz de strade dugg chei sprofums che son bogns par fa vigni il colera. Chei che stan di ciase ta che androne, e han un biell sfadiasi dute la mari dal di a buta aghe nete e a scova; i gatui e son simpri lì, cun tante di boce viarte, che butin fur dutt altri che violis.

Il di di S. Pieri, a Pagnà, col iè il plevan a viarzi il tabernacul par dà la comunione, e saltà fur de pisside une biele pantiane grasse e passude. O sfidi jo! e vevè mangiat dutis lis ostiis che il muini al veve pareciadis la sere prime. Figuraisi, ce scandul!

Quimò po', par fai passà al puar plevan chell tantin di spacc, ch' al ha piat a viodisi a saltà tal voi che besteate, e par rimedià a la profanazion, al coventarà che i parochians di Pagnà e metin lis mans in sachete e che ingrumin sù un miarutt di francs par tantis messis e funzioms.

Ce isal po', par lor? J ul tant pòc a parà douge un miar di francs! Se o foss plevan jo, o metaress tal tabernacul une suris par setemane!

A mi contin di une famee, che sta sott de parochie di S. Zorz, e che sta di continuò nome sul spià dutt chell che fasin i siei vicins di ciase. E jè vere che la curiositat a jè une malatie di dutis lis feminis; ma une curiositat che rive fintemai a olè viodi se chei altris a si ne'in pulit... che boce che no ha moschetis, fa mi par che mèrti di sei mitude in evidenze.

SERVIZI TELEGRAFICI PARTICOLAR di FLOREAN.

Cividat, 4, (ore di viodi la lune tal pozz.)
L' aghe de fontane e jè turbide come ju afars comunaj. Crodistu che i ex de Sante buteghe Municipal si scomponin par ches? Nance par insiun. Ju pissadors a puzzin. Crodistu che la sante Cumission igieniche i pensi? Ben voe! E sta pur ciart che lis ciossis nestris e larann simpri cussì, sintenemai ch' al regnarà il mond dal boton.

GUIDO ANTONIOLI, gerent responsabil.

Udin, Stamparie Jacob e Colmegna.